

Ugovorne strane:

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar Admir Katica (u daljem tekstu Ugovorni Organ) i

PENNY PLUS d.o.o. Sarajevo, ulica Igmanska bb Vogošća, koje zastupa direktor Almedin Kadrić (u daljem tekstu: Dobavljač)

zaključili su:

**UGOVOR
O NABAVCI PREHRAMBENIH PROIZVODA
(kafa, čaj, bezalkoholna pića i dr.)**

PREDMET UGOVORA

Član 1.

Predmet ovog ugovora je nabavka prehrambenih proizvoda (kafa, čaj, bezalkoholna pića i dr.) za potrebe Ministarstva unutrašnjih poslova Kantona Sarajevo, a na osnovu Odluke kojom je određeno provođenje postupka dodjele ugovora putem direktnog sporazuma broj 01-11-4-535 od 01.02.2022. godine.

Ponuda Dobavljača broj 22-0104-000172 od 30.12.2022. godine je sastavni dio ugovora.

VRIJEDNOST UGOVORA I ROK ISPORUKE

Član 2.

Vrijednost predmetne nabavke bez PDV-a iznosi 854,57 KM (osamstotinapedesetčetiri i 57/100 KM).

Cijena i ostali elementi ugovora se ne mogu mijenjati.

Rok isporuke roba koje su predmet nabavke je 1 (jedan) dan od dostavljanja narudžbenice.

NAČIN PLAĆANJA

Član 3.

Plaćanje se vrši u roku od 30 (trideset) dana od dana isporuke i dostavljanja računa.

RJEŠAVANJE SPOROVA

Član 4.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost suda u Sarajevu.

Dobavljač se obavezuje da će isporučiti robu u skladu sa prihvaćenom ponudom i da će odmah postupiti po eventualnim primjedbama Ugovornog organa u pogledu, eventualnih nedostataka. Ugovorni organ će utvrditi razuman rok za ispravku propusta Dobavljača. Sve naknadne troškove nastale nakon isporuke robe, a koje se odnose na zamjenu oštećenih roba kao i neodgovarajućeg kvaliteta koje je potrebno zamijeniti, osim šteta koje budu izazvane od strane Dobavljača, ili koji nastanu njihovim uticajem, snosit će Dobavljač i sve takve eventualne isporuke bit će za Ugovornog organa besplatne i isporučene.

Član 5.

Na ostala prava i obaveze ugovornih strana, koja nisu regulisana ovim ugovorom primjenjivat će se Zakon o obligacionim odnosima.

ZAVRŠNE ODREDBE

Član 6.

Ugovor stupa na snagu danom potpisivanja obje ugovorne strane i traje do realizacije ugovorene vrijednosti.

Član 7.

Ovaj ugovor izrađen je u četiri (4) istovjetna primjerka, od kojih po dva (2) primjerka zadržava svaka ugovorna strana.

DOBAVLJAČ
PENNY PLUS d.o.o. Sarajevo

Direktor, Almedin Kadrić

Broj: _____
Datum: 30.12.2022. godine



UGOVORNI ORGAN
MINISTARSTVO UNUTRAŠNJIH POSLOVA
KANTON SARAJEVO

ministar, Admir Katica

Broj: 01-11-4-535-2/22
Datum: 30.12.2022. godine

